



Broj: 01- 502/25

Sarajevo: 26. 6. 2025. godine

Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26-06-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	1442	25

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

PREDMET: Zastupnička inicijativa kojom Predstavnički dom Parlamentarne skupštine Bosne i Hercegovine obavezuje Vijeća ministara Bosne i Hercegovine i sve institucije Bosne i Hercegovine da poštuju i provode zakone Bosne i Hercegovine kojima je utvrđeno da radni odnos zaposlenima u institucijama Bosne i Hercegovine prestaje po sili zakona kada zaposleni navrš 65 godina života ili 40 godina penzijskog staža, izuzev ukoliko za određene kategorije zaposlenih posebnim zakonom nije drugačije propisano.

U skladu s čl. 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 73/24) upućujem zastupničku inicijativu,

Predstavnički dom Parlamentarne skupštine Bosne i Hercegovine obavezuje Vijeća ministara Bosne i Hercegovine i sve institucije Bosne i Hercegovine da poštuju i provode zakone Bosne i Hercegovine kojima je utvrđeno da radni odnos zaposlenima u institucijama Bosne i Hercegovine prestaje po sili zakona kada zaposleni navrš 65 godina života ili 40 godina penzijskog staža, izuzev ukoliko za određene kategorije zaposlenih posebnim zakonom nije drugačije propisano.

Obrazloženje

Članom 6. Zakona o parlamentarnom nadzoru propisano je da parlamentarni nadzor provodi Parlamentarna skupština Bosne i Hercegovine posredstvom svojih domova, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od nezakonitog djelovanja.

Članom 71. stav Zakona o radu u institucijama Bosne i Hercegovine eksplicitno je utvrđeno da radni odnos u institucijama Bosne i Hercegovine prestaje po sili zakona kada zaposlenik navrš 65 godina života ili 40 godina penzijskog staža. Pod istim uslovima, u skladu s članom 50. Zakona o državnoj službi u institucijama Bosne i Hercegovine, penzionišu se i državni službenici.

Uprkos jasnim zakonskim odredbama koje je usvojila Parlamentarna skupština Bosne i Hercegovine, prethodni direktor Agencije za državnu službu Neven Akšamija je tumačio zakon da državnim službeniku ne prestaje radni odnos zbog penzionisanja po sili zakona. Čak je u

tumačenju zakona naveo da je odobravanje daljnjeg rada ovih iskusnih državnih službenika benefit za državu, jer je rad manje iskusnih kadrova generalno slabije vrijednosti, što je skandalozno!

Ured za reviziju institucija Bosne i Hercegovine je više puta upozoravao Agenciju za državnu službu i druge državne institucije da je zakonom zabranjeno produženje radnog odnosa svim zaposlenima koji su ispunili propisane uslove za penziju.

Uprkos navedenom, u posljednje vrijeme je učestala praksa da se podobni državni službenici neposredno pred penziju imenuju na mandatne funkcije, pa se suprotno zakonu tumači da se ovakva lica ne moraju penzionisati.

Nezakonito se omogućava licima imenovanim na mandat da godinama rade i nakon navršene 65 godine, te navodim nekoliko karakterističnih slučajeva:

Milomir Amović, član Komisije za koncesije ima 72 godine, a mandat mu je istekao prije više od 10 godina. Boško Šiljegović ima 69 godina i već je 16 godina na funkciji parlamentarnog vojnog povjerenika, iako je zakonski maksimum dva mandata po pet godina. Kolegij Sekretarijata Parlamentarne skupštine Bosne i Hercegovine tvrdi da se na Boška Šiljegovića ne odnosi Zakon o radu i da ne može biti penzionisan, a da mu mandat prestaje samo u slučaju ostavke ili smrti. Nikola Pejić, ima 71 godinu, član je Državne regulatorne komisije za električnu energiju i njemu je istekao drugi petogodišnji mandat prije četiri godine.

Nesporno je da se samo posebnim zakonom može izričito propisati da se zakonske odredbe o penzionisanju ne primjenjuju na određene kategorije zaposlenih, kao što je primjera radi Zakonom o državnoj službi u institucijama Bosne i Hercegovine omogućeno savjetnicima članova Parlamenta, Predsjedništva Bosne i Hercegovine i Vijeća ministara Bosne i Hercegovine da rade iako su ispunili uslove za penziju. Također, Visoki predstavnik je 2024. godine donošenjem Zakona izmjenama Izbornog zakona Bosne i Hercegovine omogućio članovima Centralne izborne komisije Bosne i Hercegovine da u ovom mandatu mogu nastaviti raditi i nakon ispunjavanja uslova za starosnu penziju.

Članom 55a. Zakona o upravi propisano je da rukovodioci imenovani na mandat ostaju na funkciji do novog imenovanja na tu funkciju, ali ova odredba se odnosi samo na osobe koji ne ispunjavaju uslove za penziju, jer kako je ranije navedeno samo se posebnim zakonom može, u izuzetnim slučajevima, nekog izuzeti od penzionisanja.

Zbog evidentnog nerada Upravnog inspektorata pri Ministarstvu pravde Bosne i Hercegovine, postoje osnovi sumnje da je **Budžet institucija Bosne i Hercegovine oštećen za više miliona KM zbog isplate nepripadajućih plata većem broju osoba u institucijama Bosne i Hercegovine**, jer su isti, suprotno zakonu i nakon ispunjavanja uslova za penziju, nastavljali raditi u institucijama Bosne i Hercegovine.


Na sjednicu nadležne komisije Predstavničkog doma na kojoj će se razmatrati ova inicijativa, u skladu s članom 11. stav 2. Zakona o parlamentarnom nadzoru, potrebno je pozvati Davora Bunozu, ministra pravde Bosne i Hercegovine, Hrvoja Tvrtkovića, generalnog revizora Ureda za reviziju institucija BiH i Emira Mehmedovića, glavnog Upravnog inspektora BiH, da u

okviru svojih ovlaštenja, pruže informacije vezano za inicijativu i odgovori na pitanja podnosioca inicijative, članova nadležne komisije i zastupnika na plenarnoj sjednici Predstavničkog doma.

Napominjem da je članom 11. stav 4. Zakona o parlamentarnom nadzoru propisano da je pozvano lice obavezno pismenim putem obavijestiti tijelo koje provodi parlamentarni nadzor o razlozima spriječenosti prisustvu najkasnije 48 sati prije početka sjednice.

S poštovanjem,

ZASTUPNIK PS BiH
Šemsudin Mehmedović



Dostavljeno:

- naslovu
- a/a